

BASES DO CONCURSO DE CURTAS XUVENIL. ANO 2024.

CURTAS MÓBILES: HISTORIAS QUE NOS MOVEN

O Concello de Teo convoca este certame co fin de promover a cultura creativa e a participación social entre a mocidade, a través do cal as persoas participantes poderán crear mensaxes de alto contido social.

1.- OBXECTO

O obxectivo desta iniciativa é fomentar a creatividade, a expresión artística e o desenvolvemento das habilidades audiovisuais mediante a realización de curtametraxes feitas pola mocidade, onde amosen as súas inquietudes, fomenten a empatía e os comportamentos positivos cara as temáticas obxecto do certame.

Este concurso busca ofrecer unha experiencia enriquecedora, motivadora e educativa, á vez que fomenta a creatividade nun espazo xuvenil e dixital.

2.- PERSOAS DESTINATARIAS E REQUISITOS

- Poderán participar mozos e mozas de entre 12 e 18 anos (ambos incluídos) empadroados en Teo.
- Os traballos poden ser individuais ou grupais.
- Poderase presentar máis dun traballo por persoa ou grupo participante.

3.- TEMÁTICA E CONDICIÓNS DO TRABALLO

Os participante deberán presentar curtas que traten temas de interese social, emocional, ou da vida cotiá como a amizade, o ambiente, a igualdade, os soños, a prevención do acoso escolar, a diversidade sexual, o mal uso das tecnoloxías, así como historias de superación.

As curtas realizaranse con dispositivos móbiles.

A duración máxima será de 4 minutos incluídos título e créditos.

Calidade de resolución mínima: 720p.

Formato de arquivo: MP4 o MOV, máximo 2 GB.

As gravacións faranse preferentemente en Teo, se pode ser nalgún lugar recoñecible do municipio: colexio, rúas, prazas, contorno natural, etc.

Os traballos deberán ser orixinais e inéditos. Así mesmo, non poderán ser copias nin plaxios, en parte ou na súa totalidade, de obras, imaxes ou músicas, publicadas en calquera soporte, xa sexan propios ou doutras persoas artistas ou propietarias.

Se se inclúe unha banda sonora, esta deberá estar libre de dereitos de autoría e contar coa autorización expresa da persoa titular dos dereitos para o seu uso na curtametraxe presentada. Tamén se poderá utilizar música creada especialmente para a ocasión.

Ao presentar o traballo ao concurso, as persoas participantes garanten que non achegan materiais que supoñan ningunha vulneración dos dereitos de propiedade intelectual ou industrial de terceiras persoas, polo que liberan absolutamente ao Concello de Teo de toda responsabilidade derivada do incumprimento de calquera norma ou vulneración de dereitos de terceiras persoas por parte das participantes, que asumen a obriga de manter libre de toda responsabilidade ao Concello de Teo no dito caso.

Non poderán participar traballos que non cumpran as bases.

4.- SOLICITUDES DE INSCRIPCIÓN E PRAZOS

O prazo para a presentación dos traballos comeza o 21 de decembro que se celebra o día mundial da curtametraxe e rematará o 21 de febreiro.

Cada participante entregará o seu traballo a través dunha ligazón ao enderezo electrónico: mocidade@teo.gal. Na cal se incluírán a seguinte documentación:

- Ficha de inscrición, onde contará cun apartado onde se incorporará o enlace da curtametraxe onde estea aloxada, cos permisos autorizados para poder vela.
- Fotocopia do DNI.
- Declaración xurada da orixinalidade dos traballos e aceptación das bases do concurso.
- Os/as participantes menores deberán incluír unha autorización de participación asinada polo pai/nai ou titor/a legal.

A solicitude de participación no concurso implica o coñecemento e aceptación íntegra das bases que regulan esta convocatoria, o cumprimento dos requisitos de participación esixidos, a aceptación do fallo do xurado e, no seu caso, a interpretación destas bases.

5.- PREMIOS E GALA

Este concurso estará dotado cos seguintes premios:

- 1º premio: 200 € + certificado + proxección da curta
- 2º premio: 125 € + certificado + proxección da curta
- 3º premio: 75 € + certificado + proxección da curta

A gala de premios levarase a cabo de xeito presencial presentando as curtas gañadoras e invitando ás persoas creadoras a compartir a súa experiencia.

6.- XURADO

O xurado estará formado por profesionais do mundo audiovisual, da educación, de mocidade e persoal do Departamento de Cultura.

O xurado valorará a mensaxe e o seu impacto, a orixinalidade e creatividade e a súa adaptación á temática escollida.

A organización e o xurado resérvanse a posibilidade de declarar deserto o certame se os traballos presentados non cumpren as bases ou non alcanzan un mínimo de calidade.

Os membros do xurado non poderán participar neste concurso.

7.- CONSIDERACIÓNS FINAIS

O Concello de Teo non se fai responsable do contido dos traballos presentados.

As persoas participantes no certame ceden ao Concello de Teo os dereitos de explotación dos vídeos presentados e premiados, incluíndo os dereitos de uso, difusión, distribución, exhibición, comunicación pública, difusión e reprodución a través de Internet ou calquera outro medio audiovisual, mostra ou exposición. Estas transferencias realízanse de forma gratuíta e exclusiva.

O Concello de Teo reserva tamén o dereito de utilizar as curtametraxes presentadas e premiadas con fins de promoción e/ou difusión.

As presentes bases, así como as posteriores convocatorias relativas ao concurso, publicaranse na páxina web do Concello de Teo e nas súas redes sociais.